

Ezkontza zibil gehiago izan ziren 2004ko laugarren hiruhilekoan, 2003ko aldi berean baino

Gainera, ezkontzen guztizko kopurua gehitu egin zen

2004ko laugarren hiruhilekoan, ezkontza zibilak gehitu egin ziren aurreko urteko aldi beraren aldean eta 2003ko 1.014tik 2004ko 1.077ra iritsi ziren, Eustaten datuen arabera. Normalean urteko azken hilabete horietan (% 49,3) udakoetan (% 34) baino ezkontza zibil gehiago izaten da eta udakoetan ospatzen dira urte guztiko 10 ezkontzatik 4.

2004ko laugarren hiruhileko horretako 2.185 ezkontzetan, bizilekua Euskal Autonomia Erkidegoan duten 2.108 gizonezko eta 2.143 emakumezko ezkondu ziren. Horietatik 1.951 senarrentzat (% 92,6), lehen ezkontza izan zen; 14 alargun eta 143 dibortziatu, aldiz, berriro ezkondu ziren. Lehen ezkontza zuten emakumeen ehunekoa gizonezkoena baino zertxobait altuagoa izan zen: aurretik ezkongabeak ziren emakumeak 1.997 (% 93,2) izan ziren; alargunak, 8; eta dibortziatuak, 138.

Ezkontzak ezkontideek eztei-egunean zuten adinaren arabera banatuz gero, 2004ko laugarren hiruhilekoan, senarren artean, %73,1ek 30 urtetik gora zituzten; emazteen artean, berriz, %54,3k. Aurreko urteko hiruhileko beraren aldean, proportzioa 2 ehuneko-puntu altuagoa izan zen senarren kasuan, eta ia berdina emazteenean.

2004an ere ezkontzeko adinak gorantz jarraitu zuen


Aurrera doa, beraz, ezkontzeko adina atzeratzeko joera; 2004. urtean senarren %69,1 eta emazteen %51 30 urte edo gehiagorekin ezkondu ziren eta aurreko urtean baino proportzio altuagoak lortu ziren, % 66 eta %47 izan baitziren, hurrenez hurren.

2004. urtea osotara hartuta, Euskal Autonomia Erkidegoan bizi zirenen ezkontzak 9.932 izan ziren, aurreko urtean baino 14 gutxiago. Ezkontza zibilen proportzioak 5 ehuneko-puntutan gainditu zuen 2003koa eta 2004an ezkontza guztien % 43,4 izatera iritsi ziren.

	2004ko 4. hiruhilekoa		Aurreko hiruhilekoa (2004ko 3. hiruhilekoa)		Aurreko urteko hiruh. bera (2003ko 4. hiruhilekoa)	
	kop.	%	kop.	%	kop.	%
EZKONTZAK	2.185	100,0	3.424	100,0	2.117	100,0
Kanonikoak	1.108	50,7	2.261	66,0	1.103	52,1
Zibilak	1.077	49,3	1.163	34,0	1.014	47,9
SENARGAIK	2.108	100,0	3.291	100,0	2.042	100,0
Ezkongabeak	1.951	92,6	3.110	94,5	1.877	91,9
Alargunak	14	0,7	17	0,5	20	1,0
Dibortziatuak	143	6,8	164	5,0	145	7,1
EMAZTEGAIK	2.143	100,0	3.373	100,0	2.092	100,0
Ezkongabeak	1.997	93,2	3.189	94,5	1.939	92,7
Alargunak	8	0,4	18	0,5	13	0,6
Dibortziatuak	138	6,4	166	4,9	140	6,7

Iturria: Eustat

1. grafikoa: Ezkontzen hilez hileko mugimendua



Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxa: +34-945 01 75 01 E-maila: eustat@eustat.es

Harremanetarako pertsona: Martín González Hernández

Tel.: 49-945 01 75 49. Faxa: +34-945 01 75 01

Prentsa-oharrak Interneten: www.eustat.es